



《續修四庫全書》編纂委員會編

續修四庫全書

上海古籍出版社

九二五・史部・目錄類

鄭堂讀書記七十一卷（卷五十三至卷七十一）〔清〕周中孚撰……………一

愛日精廬藏書志三十六卷續志四卷〔清〕張金吾撰……………二三九

2669/05

鄭堂讀書記

二

〔清〕周中孚撰

據上海辭書出版社圖書館藏民國十年刻吳興叢書本影印原書
版框高一八三毫米寬二六六毫米

鄭堂讀書記卷五十三

烏程周中孚撰

子部十之二

雜家類二

雜學之屬下 宋至 國朝

聲隅子歛歛瑣微論二卷 知不足齋叢書本

宋黃晞撰 晞字景微蜀人嘉祐中以讀書志 儒家

讀書附志書錄解題通考 宋志 儒家 俱著錄

趙陳兩家俱止作聲隅子蓋省文爾晞馬兩家俱

作十卷蓋以篇為卷也宋志 雜家 又載有歛歛子

卷豈即此書之別本歟其書凡生學進身揚名

鄭記五十三

虎豹仁者文成戰克大中道德三王十篇每篇各

有小序篇中俱自稱聲隅子自序謂聲隅者梓物

之名也歛歛者兼歎之聲也瑣微者述之之謂也

而因備述篇次相承之義大都有意學法言中說

而造理不能逮然景微能知辭賦戾乎治具聲隅

甚乎倡優確然立論以成一家言不可謂非豪傑

之士矣而方希直遜志齋集有讀聲隅子篇稱其

論以漢高杯羹之言為仁以屈原為愚以張良得

聖人之安蕭何得聖人之變劉向得聖人之力以

唐太宗為武王之後一人論性則詆孟子之言非

是皆其大謬者不知道而務名無怪乎其然也其

說當矣顧又取其謂井田肉刑鄉飲里選冠禮家

廟之法不復弗足為治以為有志之士則與其在

建文時設施之方相似而不知迂遠而闕于事情

不足以為定論也是書世無傳本嚮者歸安嚴氏

芳椒堂藏有宋麻沙刻本前有季滄葦徐健庵圖

記知即傳是樓舊藏本鮑際飲依其本重雕以廣

其傳未有乾隆王子嚴 樹 跋

芻言三卷 函海本

宋崔敦禮撰 敦禮家本河北南渡後居溧陽登紹

四庫全書著錄書錄解題通考宋志及宋志補

俱不載蓋是書傳本絕少今館臣從永樂大典錄

鄭記五十三

出前有自序稱敦禮居山間有書三卷上卷言政

中卷言行下卷言學凡三百有五篇言語簡樸不

知緣飾其芻蕘之愚乎乃命曰芻言今觀其書皆

平生閱歷世務確有心得之言而大旨在道家儒

家之閒李雨邨序之竟與李 邦 省心雜言皆推

為學人座右之銘所必需子書中之儒家蓋僅以

其文詞言之而未知其為雜學有不可與李氏書

同類並稱耳

善誘文一卷 百川學海本

宋陳錄編 錄里貫未詳自 四庫全書存目宋志

及宋志補俱不載前有嘉定辛巳其弟 錄 序稱長

兄癖好編集成殺之文傳于世因戒而得善報者則編之因不戒而得惡報者則不敢編也猶慮人不喜觀復以前賢警世格言渾穆乎其閒聊欲誘人之一觀也蓋亦勸人為善之常談當出于鄉愿者之所為明代袁了凡輩之先聲也然錄序必欲以閻王為說末有虞舜徒當屬名跋亦然何其鄙倍至于此極耶說郭亦收入之

樵談一卷 鹽邑志林本

宋許棐撰 字忱父號梅屋海鹽人嘉熙中居秦溪 四庫全書存目

宋志及宋志補俱不載前有自述稱樵身也談心也世人不談王道樵亦能笑之云云故以名書凡

鄭記五十三

三十條皆族俗警世之談頗有裨于身心其修詞簡潔而端重極似靜修之士不惑于理學者所為然其書至明萬厯開始出又無姚江末流之習則其傳自宋人無疑觀其或問浮屠氏以身為旅泊何必殫費金朱華耀土木曰小人性貪非窮奢極侈無以起其信心試問當時據講席者有此名言乎

東洲凡上語一卷 東洲枕上語一卷 舊寫本

宋施清臣撰 清臣號東洲自稱赤城散吏淳祐閒人 四庫全書存目俱無東洲二字倪氏宋志補類小說亦載之惟枕上語無此二字語誤作言前編作于淳祐甲辰凡

七十八條後編作于淳祐乙巳凡七十五條每編各有小引其前引稱合老釋以非三融精麤而為二云云可以想見其宗旨矣

西疇常言一卷 百川學海本

宋何坦撰 坦字江人 四庫全書存目倪氏宋志補亦載之是書乃其生平札記凡分九門曰講學曰律

已曰應世曰明道曰莅官曰原始曰評古曰用人曰正弊皆本舊說而傳益之頗多近裡著己之談亦足以範世警俗而閒及釋氏宗旨由其見道之終淺也說郭亦收入之

東谷所見一卷 百川學海本

鄭記五十三

宋李之彥撰 之彥號東谷永嘉人 四庫全書存目宋志及宋志補俱不載東谷以老塾師據其所見隨筆記錄凡三十則各有標目皆任意迅筆肆言無忌亦

由宋社將屋之秋故處士橫議如此前有咸淳戊辰自序越九載而元人入臨安矣說郭亦收入之

郁離子二卷 學津討原本

明劉基撰 基仕履見術數類 四庫全書存目焦氏經籍志儒家作一卷明史藝文志不載蓋總列于文成

集中故注云彙編諸集及郁離子春秋明經諸書成化中巡按浙江御史戴賢等所編誠意伯文集內有郁離子四卷分十八篇每篇各以首條之目

標題吳從善徐一夔俱爲之序是本不分篇數凡一百八十二條每條各有標目乃其于元末寇燧四起隱居青田時所作張若雲跋稱其縱橫變化指事造懷深得漆園寓言之旨而旋乾轉坤之抱時時溢平言外知其求志達道具有本源世徒以占候讖緯神之非也說郭續摘錄十餘條名郁離子微云

危辭一卷函海本

明王禕撰禕仕履見正史類

四庫全書存目作華川危

辭蓋據學海類編之本乃曹秋嶽浴所加也忠文集

集中本無此二字焦氏經籍志儒家類所載亦同前

鄭記五十三

五

有元至正戊戌自序稱予避兵縣南朋友離散又絕無書可觀因追憶昔所聞見者志之于簡以其爲言乃夫人所同好故名危辭今觀其書凡七十條雜論修齊治平之道而不純乎儒理蓋有得于五千言之旨深矣故曰爵祿者災之隅功名者禍之輿然其後縻好爵而蹈危機豈所謂非知之艱行之維艱歟書中閒有評語四處不知何人所繫說郭續亦收入之

華疇二卷寶顏堂秘笈本

明王達撰達字達善號耐軒居士無錫人洪武中國子監助教永樂初擢爲縣學訓導改大同府學遷爲編修官至侍讀學士四庫全書存目明史藝

文志作一卷是編乃其官大同府學訓導時作凡百有七條其言多主柔伏退遜蓋出于老氏之緒餘然能于聖經賢傳良多輔翼時情物態每加鍼砭尚有裨于名教前有自述稱天理人情殊加有省頗爲近之至太倉陸之箕序謂究其文義則固濂洛關閩之流亞則未見其然也書中閒附之箕按語亦膚淺之詞耳前又有餘姚孫鑑福清林樞二序末有祝俊民章跋說郭續止節錄一卷且誤題陳世寶撰云

讀書筆記一卷顧氏四十家小說本

明祝允明撰允明字希哲長洲人弘治壬子舉人官至應天府通判四庫

鄭記五十三

六

全書存目明史藝文志亦載之是書乃其于成化乙巳居憂時所作前有自識稱于事物之理偶有所見隨筆箋記今觀其書凡二十五條皆準情酌理而出之絕少放言高論非後來所作罪知浮物諸書可比蓋其時年尚少猶未以晉人放誕自負也 廣祕笈說郭續均收入之惟陶本卷末多一條不知據何本增入爾

測語二卷鹽邑志林本

明錢琦撰琦字公良海鹽人正德戊辰進士官至思南府知府四庫全書存目作錢子測語乃其生平札記凡分八門曰象元曰繇唐曰浮風曰治本曰檢精曰鑒遠曰規世

曰導儒所言皆立身行己應世出治之道頗近北宋以前儒家者言蓋深知言心言性之無補于世而不屑道也其標目則太涉纖佻殊不類正嘉時人所為疑公良祇有手稿其後人為之編次而妄以已意分門標目也至其書實非隆萬閒王學流行之時所能依託則有目之所共見矣前有隆慶戊辰彭 輅贊後有其孫穀跋

拘虛語言一卷 說郭續本

明陳沂撰

沂字魯南口口人正德中進士歷編修待講官太僕卿致仕

四庫

全書存目是書凡三十九條每條先取兩事比物連類以引起其義而後申明之其源出于連珠惟

鄭記五十三

散文無韻為異惟專以修詞為主故不能以濶意發高文也

古言類編二卷 鹽邑志林本

明鄭曉撰

曉仕履見書類

四庫全書存目止作古言是

書乃其讀書有得隨時札記久之分類編次凡易書詩春秋三傳禮記大學中庸論語孟子諸史諸子雜言十二門其說經諸條祇緣飾舊說未能有所發明其論子史益加偏僻而導揚二氏之教尙少猶有可取至其言宋儒所資于漢儒者十八九只今諸經書傳注儘有不及漢儒者宋儒議漢儒太過近世又信宋儒太過云云實名論也說郭續

所收止節錄三十四條耳

一庵雜問錄一卷 彙秘笈本

明唐樞撰

樞字惟鎮號一庵歸安人嘉靖丙戌進士官刑部主事

四庫全

書存目一庵初事湛甘泉其後慕王陽明之學而不及其門其講學之書有雜著十種惟宋學商求及是錄又在十種之外此篇皆設為問答以發明心性德業旁及經史文藝大都純涉禪宗而借儒術為託足之地其所著書皆當作如是觀也

病榻寤言一卷 續秘笈本

明陸樹聲撰

樹聲字與吉號平泉華亭人嘉靖辛丑進士官至禮部尚書諡文定

四庫全書存目目前有自序稱余卧病榻閒意有所

鄭記五十三

得蹶然起坐憑几疾書以自觀省曰寤言者以其得之寐寤今觀其書凡十四條雖語無倫次其于生死之故養生之旨閒亦億中云說郭續亦收入之毫餘雜識一卷 續秘笈本

明陸樹聲撰

四庫全書存目明史藝文志

小說家類亦載之平原以平生所接交知談議及紬繹舊聞一知半解注之臆想提撕僅存因于每旦櫛沐之餘閒錄一二以備遺忘時年已八十有二故曰毫餘雜識雖其好學不倦所言足為世戒而喜雜以二氏之說所謂耄期稱道不亂者何在耶前有葛厓甲寅自序後有其門人朱 朝貞跋

汲古叢語一卷 廣祕笈本

明陸樹聲撰 四庫全書存目明史藝文志類家

亦載之是編乃其于嘉靖丙寅官南雍時所作凡八十七條皆雜談名理以周易為主而附益以老莊之旨是時王學尚未橫流故無一禪宗語犯其筆端勝于葛麻以後諸雜記多矣前有自序說郭續所收止摘取三十一條云

渾然子一卷 晉祕笈本

明張紳撰 紳字子儀柳州衛籍馬平人嘉靖癸丑進士官至刑部右侍郎 四庫

全書存目是書仿劉伯溫郁離子體自成一子凡十八篇各為標目皆反覆引證以推闡事理之所

鄭記五十三

當然其議論雖不及伯溫之正大而汪洋恣肆則過之矣

意見一卷 廣祕笈本

明陳于陸撰 于陸南充人大學士以勤之子隆慶戊辰進士官至文淵閣大學士

四庫全書存目是編乃其隨筆札記凡八十一條

自立教至觀世各為標目中多尙論古之君臣大概而于本朝君臣亦閒及之且詆憲宗之濁亂武

宗之放縱有無君之心焉豈其父子相繼為宰相

竟可言所不宜言歟然其于姚江之學則拒之

遺餘力一則曰陽明之學分明從佛藏中悟得卽所謂最上一乘之理再則曰陽明拈出一致良知

以自標異辟之虬髯客自顧不能敵唐太宗又恥為之臣遂從夫餘國建偏安之業而韓昌黎一條講學一條三教一條論道一條道理一條清淨無為一條又顯斥二氏之教並及當時之沈溺于王學者真所謂不意永嘉之末復聞正始之音者也說郭續所收係節本殊不足觀 承幹按于陸字元穀山筆塵十八卷 原刊重修本

明于慎行撰 慎行字可遠更字無垢東阿人隆慶戊辰進士官至禮部尙書 四

庫全書存目無穀山二字明史藝文志不載無垢既著讀史漫錄評論歷代史事而于當世得失之故尙未討論因旁搜博采以成是編分爲三十五

鄭記五十三

類凡朝家之典章人物之權衡經籍子史禮樂兵刑以至財賦阨塞之區耳目睹聞之概纖悉具備

卽其援引舊聞亦無不切劇時事信經國之大業

不僅資清暇之談柄已也前有馮椅題辭目錄後

有萬厯癸丑其門人郭應龍序至 國朝康熙丁

巳其裔孫繼善取舊版之缺者而修補之宋 文英

爲之跋

呵凍漫筆二卷 藝海珠塵本

明談修撰 修字思永無錫人隆萬間人 是書乃其原本前言往

行以立論凡五十五則俱極詳明所以爲箴砭末俗衰薄之計故詞氣過激此與其避暑漫筆同一

用意皆發憤之所爲作也似較當時言心言性之書徒空言而無補者固高出數倍矣

支談三卷 彙祕笈本

明焦竑撰 竑仕履見目錄類

四庫全書存目前有萬厯

丁亥張

文暉引稱孔老釋迦之道曷嘗有異而其

或命之曰儒曰釋曰道各隨世之所謂語言文字

以名之而道則安有是也此先生所爲不得已而

詳言之也是書宗旨已盡于此然此亦不過舉其

大概耳實則欲揚釋老而抑孔子又欲揚釋迦而

抑老氏無論孔子蓋沿姚江之末派而失其本原

遂流而爲異端之歸其害豈可勝言哉

鄭記五十三

環碧齋小言一卷 彙祕笈本

明祝世祿撰

世祿字無功德興人萬厯己丑進士官至尙寶司卿

四庫全

書存目是編乃其講學之語多浸淫于釋氏蓋萬

厯以後士大夫沿姚江之末派者十之九至謂大

舜茹草終身是在世了法尼父朝聞夕死是出世

了法不得謂非狎大人侮聖人之言矣前有萬厯

丙申楊

起元序快書所收已爲閩士行所刪節云

恥言二卷 新刊本

明徐禎稷撰

禎稷字叔開號餘齋華亭人萬厯辛丑進士官至四川按察使副使新

修松江府志著錄是書卷首有自記稱恥言者家

居談說偶識之簡者也言之未克行焉庸無恥乎

存以備自省亦以示後人猶冀有能釋子恥者今

觀其書不過日用倫常之事而言簡意該修齊之

要道具焉其毅然不爲釋氏所惑猶勝于明季講

良知者之末流也是書本未付梓乾隆戊午其曾

孫訪師

穎梁取以示衍聖公孔

廣榮爲之序而刊

之胡二樂亦爲之序末有吳

珠塵亦收入之

醒心藥石 體仁堂刊本

明楊繼益撰

繼益字茂謙號秦卷有補人于萬厯癸丑前有自序稱天下有通病非良方曷

克治之于是取訓語之會心者錄之不中膏肓者

不錄迂濶難行者不錄詞雖典雅而無關身心日

用者不錄故所錄無幾而要其所存皆三年之艾

也今觀其書多格言莊論誠如藥石之可以伐病

無如當時據講席者皆屬王學末流之輩動合儒

釋而一之是書每參以釋氏宗旨尙未能免俗耳

蓋與其所著燕窩偶談同爲趨向之偏而已此書

與燕窩偶談俱稿藏于家至

七世孫

箕始合而刊之并取趙

崇元贈序及其從

子士修所作拙宦記二篇暨元孫

附記以及小

像列于卷首王述庵

和爲之總序

祈嗣真詮一卷 彙祕笈本

明袁黃撰黃字坤儀號了凡嘉善人萬曆丙辰進士官兵部主事 四庫全

書存目前有自述稱予苦乏嗣遇異人授以祈嗣

之訣信而行之果生子予慮天下之乏嗣者眾而

不獲聞是訣也因衍爲十篇以風告之今觀其書

自改過以迄祈禱凡分十門大都撙拾醫家者言

而傳益以果報之事其末一篇專以崇奉佛家經

像爲主尤爲儒者所不屑道也前有萬厯庚寅韓

初命刻引

韋弦佩一卷說郛續本

明屠本峻撰本峻字田叔號漢陂鄞縣人以廩官太常寺典簿官至辰州知府

四庫全書存目作無卷數蓋足本也是書凡處方

鄭記五十三

艾觀藥鏡卻病四篇每篇各繫以小序蓋以義理

之正救血氣之偏所設方藥諸條多近俚鄙不待

識者而始知其可笑也前有自序稱性急者佩韋

性緩者佩弦聖人以此和劑于民使協中庸之軌

也其取義雖大而書實不足以當之云

聽心堂客問一卷普祕笈本

舊題廬山人萬尙父撰尙父里貫未詳據其所題當是廬山人

四庫全書存目是書凡設六十五問而一一答之

多不出二氏宗旨其雜說寥寥無幾惟談道家內

丹之法頗詳蓋俞玉吾席上腐談之緒餘也

辨學遺牘一卷天學初函理編本

明西洋利瑪竇撰瑪竇字西泰歐邏巴人萬厯時航海至廣東 四庫

全書存目是編凡虞德園譚熙與利西泰書一篇

西泰復德園書一篇及復蓮池和尚竹窗天說四

端蓋欲以其所爲天主教以訂正其說也蓮池不

足道而德園以儒者與西人相往還可謂失其本

心矣末有涼庵居士不著識語

二十五言一卷天學初函理編本

明西洋利瑪竇撰 四庫全書存目書名二十五

言者卽二十五條以爲本天數云前有萬厯甲辰

馮應京序稱泰西學專事天見爲總總天民罔不

交相利濟也者陷危則拯以力迷惑則救以言非

鄭記五十三

力所及聊因言寄愛焉故不厭諄諄也先生載此

道腴梯航而來以惠我中國儻誦斯言者穆然動

深長之思一切重內輕外以上達于天德則不必

起游夏于九原而尼父覺人之志以續其視蘭臺

四十二章謂釋家四經孰可專用當必有能辨之者

今觀其書不過盜竊釋氏陳編而敷衍成辭無甚

深微奧妙其行文亦不精工蓋拙者之所爲不知

何以能傾倒一時士大夫也殆以其能解算術故

徐元扈光祿亦爲之序歟

天主實義二卷天學初函理編本

明西洋利瑪竇撰 四庫全書存目是編以論天

主始制天地萬物而主宰安養之爲第一篇以解釋世人錯認天主爲第二篇以論人魂不滅大異禽獸爲第三篇以辨釋鬼神及人魂異論而解天下萬物不可謂之一體爲第四篇以辨排輪迴六道戒殺生之謬說而揭齋素正志爲第五篇以釋解意不可滅并論死後必有天堂地獄之賞罰以報世人所爲善惡爲第六篇以論人性本善而述天主門士正學爲第七篇以總舉泰西俗尙而論其傳道之士所以不娶之意并釋天主降生西土來由爲第八篇篇中皆設中士問而西士答是時西泰已入中國習見儒書因取經傳中上帝之說

鄭記五十三

五

以附會于天主而詆排釋氏然所說皆釋氏之變相未見其有勝于彼教也前有萬厯癸卯重刻自跋及馮應京李之藻汪汝澤三序

畸人十篇二卷附西琴曲意一卷

天學初函理編本

明西洋利瑪竇撰 四庫全書存目西泰既爲天主實義以著其凡又作此十篇以析其義凡人壽既過誤猶爲有第一人于今世惟儒家耳第二常念死候利行爲祥第三常念死候備死後審第四君子希言而欲無言第五齋素正旨非由戒殺第六自省自責無爲之尤第七善惡之報在身之後第八妄詢未來自速身凶第九富而貪吝苦于貧

竇第十皆設爲同時士大夫問而已答之惟末二篇則設一士人一友人以發其端亦皆掇拾釋氏家言并其時王學末流之說敷衍成篇其詞汪洋恣肆有類屠赤水之鴻苞故足以動人也涼庵居士名氏跋稱經術所未睹理所必有拘儒疑焉今瞿曇氏痛焉又支誕其說以惑世而西泰子子身入中國奪而歸之吾儒其論必傳不朽其原則剗非常是以自謂畸人是則其徒亦明言從釋氏奪來矣而明人猶爲其所惑何居後附西琴曲意八章乃其于萬厯庚子具贄物赴京師以獻聞有西洋雅琴一具神宗問其本國之曲因以習道語數

鄭記五十三

五

曲譯以華言呈進第譯其意而不能隨其本韻者方音異也前又有冷不生名氏演畸人十規益卽彙括十篇之旨書成于萬厯戊申李之藻周炳謨王家植俱爲之序引

交友論一卷

天學初函理編本

明西洋利瑪竇撰 四庫全書存目是書乃其于萬厯己亥遊南昌與建安王論友道而作凡一百條每條不盡一行者居其大半大旨多向利害上計較而強人以所難亦不過託諸空言耳況交友之道備于六經後人尙尋繹靡盡不待天方一小國之人多其辭說也前有自序及瞿 汝夔馮應京

二序廣祕笈說郭續所收俱止題友論云

七克七卷 天學初函理編本

明西洋龐迪我撰 迪我號順陽歐邏巴人萬曆時入中國周子愚李之藻徐光啟等先後薦

四庫全書存目前有目錄稱天主教要言罪宗七端謂驕傲嫉妒吝怒迷飲食迷色及懈惰于善也又言克罪七端有七德謂謙讓以克驕傲仁愛人以克嫉妒捨財以克慳吝含忍以克忿怒淡泊以克飲食迷慾欲以克色迷勤于天主之事以克懈惰于善也順陽因作伏傲平妬解貪愆忿塞鑿坊淫策愈七篇以發明其義所說或儒或釋而釋氏之旨居多抵欲人敬事天主以

鄭記五十三

志

邀福利與釋氏之奉佛伎倆無異趨也故說有不通處仍遁入于釋氏宜為縉流所竊笑也而儼然號為儒流者不知之非下愚而何前有萬厯甲寅自序及楊廷筠曹于汴鄭以偉熊明遇陳亮采五

西學凡一卷附錄唐大秦寺碑一篇 天學初函理編本

明西洋艾儒略撰 儒略歐邏巴人萬曆時入中國 四庫全書存

目是書皆其國讀書次第取士科條一為文科以文字包古今接聖賢故必先以文闢諸學之大路也一為理科義理之大學也一為醫科操外身生死之權也一為法科操內外生死之權即國王治

世之公典也一為教科操內心生死之權也一為

道科乃超生出死之學總括人學之精加以天學之奧也其進學年分考選先後俱有一定章程而其所歸宿者不過算術所崇奉者不過天主終不可與中國教學之法相提並論爾末附唐景教流行中國碑頌並序題大秦寺僧景淨述蓋欲以是碑明其教之久入中國而不知適足以證其天主教之為祇教此即自呈露其敗闕也況又有酉陽雜俎冊府元龜西溪叢語及岳氏程史諸書所載俱可共相證明乎特明人不足以語此故使其教得行也末有天啟乙丑涼庵居士 不著書後尚鋪

鄭記五十三

志

張而揚厲之不值識者一噓而已卷首有天啟癸亥楊廷筠序許胥臣引熊士旂跋

靈言蠡勺二卷 天學初函理編本

明西洋畢方濟撰而徐光啟編錄之 方濟歐邏巴人光啟仕履見農家類

四庫全書存目前有天啟甲子自序稱亞尼瑪 譯言靈性之學于費祿蘇非亞 譯言窮理之學中為最

益為最尊故古昔典籍無不贊歎亞尼瑪謂之甚奇今略說亞尼瑪四篇余觀其書以論亞尼瑪之體者為第一篇論亞尼瑪之生能覺能靈能為第二篇論亞尼瑪之尊與天主相似者為第三篇論亞尼瑪所向美好之情者為第四篇其大旨依天

主經典所說依我信德之光信德者信天主之德以通亞尼瑪之妙總歸于令人認已而認天主以享其福焉蓋亦掀佛經覺性之說而變幻之與當時之喜談心學者當有水乳之契矣

狂夫之言三卷續狂夫之言二卷眉公雜著本

明陳繼儒撰繼儒字仲醇號眉公華亭人四庫全書存目是編雖分出續二卷而卷數目錄仍統爲一書凡八

十七條雜論古今事蹟旁及藝文反覆辨駁文筆亦頗暢達顧眉公終老山林讀史又未及貫穿故多偏矯之論而于西方之教又依違其間則適成其爲雜學而已矣其曰狂夫之言者用漢書鼂錯傳

鄭記五十三

語也

安得長者言一卷眉公雜著本

明陳繼儒撰四庫全書存目是編乃其隨時札記而一行可盡者居多蓋欲以語言文字津梁後

學故皆布帛菽粟之談觀此頗有儒者氣象但不曾言心言性耳以較當時陽儒陰釋之徒則固加人一等矣其曰安得長者言本漢書龔遂傳語也前有自序後有張元弢明跋說郭續亦收入之止

題長者言益省文爾

飛潛子五卷原刊本

明陳始亨撰始亨字伯子廣東人伯子以老諸生頗喜講易

因自號飛潛子其著是書卽以飛潛論冠首前二卷論易後三卷皆雜論每篇多標辨說解贊書序諸目蓋卽其所作雜文而裒爲一編者其飛潛論有云初集內聖之理最元二集外王之事最備三集古今之衡最遠此卽其所爲初集其論易大都陳邵之緒言其雜論則又八股之餘氣故卷末卽附四書文十八首尤鄙陋不足道也其二集三集今未見傳本諒亦徒爲大言而無其書耳前有崇禎戊寅易第昌序及其自撰凡例

新婦譜一卷補一卷又補一卷檀几叢書本

國朝陸圻撰補一卷陳確撰又補一卷查琪撰圻字

鄭記五十三

麗京號講山錢唐人順治中貢生確字乾初琪字石丈俱海寧人

四庫全書存

目止載圻書前有自序稱丙申七月倉卒遣女蕭然無辦因作新婦譜贈之云云蓋仿時人治譜之例也其書凡四十二條備詳爲婦之道文不雅馴欲使羣婢通知以爲勸戒爾乾初爲之補十二條石丈又爲之補四條皆如原書之例而補其未及者也合三家之書觀之而女教全矣

德輿子一卷傳經堂叢書本

國朝凌堃撰璿珠內史注堃字厚堂一字德輿歸安人道光辛卯舉人官金華教諭注者但署璿珠是書凡九篇曰正名曰內史卽其妻安氏金匱人是書曰貴生曰葆一曰慎形曰道本曰相默化曰扞運曰貴生曰葆一曰慎形曰道本曰相

尚曰神劑蓋學鬼谷子而作故不純乎儒術此班孟堅所謂雜家者流也其造語雖艱深而尚不近于淺陋然在撰子則可若以製文難免劉彥和所云一字詭異則羣句震驚三人弗識則將成字妖矣龍見文心雕前有道光壬午棲霞郝懿行序末有道光辛巳元和蔣廷恩後跋

鄭記五十三

鄭堂讀書記卷五十三

鄭堂讀書記卷五十四

烏程周中孚撰

子部十之三

雜家類三

雜考之屬上 晉至元

古今注三卷 漢魏叢書本 中華古今注三卷 百川學海本

古今注舊題晉崔豹撰中華古今注舊題五代馬

竊撰豹字正熊惠帝時官太傅丞 綱明經四

庫全書著錄隋志載古今注三卷崔豹撰新舊唐

志崇文目讀書附志類書 書錄解題宋志俱同通

載新志又見儀注類作一卷陳氏又載中華古今

鄭記五十四

注三卷後唐太學博士馬竊撰通考宋志俱同按

馬氏書曰序稱崔豹古今注博識雖廣迨有闕文

泊乎廣初莫之聞見今添其注以釋其義目之爲

中華古今注是馬氏已不見崔氏書之全帙矣今

崔氏書凡八篇一輿服二都邑三音樂四鳥獸五

魚蟲六草木七雜注八問答釋義與趙氏所載俱

合知南宋時其本已如此或卽馬氏所見本也陳

直齋以馬氏書爲推廣崔豹之書其自序亦言添

注釋義而其卷上爲帝王宮闕都邑羽儀冕服州

縣儀仗軍器等部注凡六十六門卷中以皇后冠

帶士庶衣裳文籍書契草木答問釋義部注凡四

十四門卷下而古今音樂鳥獸魚蟲龜鼈等部注凡八十門則與崔氏書所分八門名異而文相同者十之八九且攷蘇德祥演義與此二書相同者又十之五六疑二書皆屬後人所依託不似自家之原本也特以其皆考證名物故合而志之以便互考焉祕書廿一種均收入之而馬氏書又載入說邪云

蘇氏演義二卷 函海本

唐蘇鶚撰 鶚字德祥武功人宰相頡之族也光啟中登進士第仕履無考 四庫

全書著錄新唐志 家小說 崇文目 家小說 書錄解題俱

作十卷通考作十二卷當誤衍二字也其書久佚

鄭記五十四

今館臣從永樂大典錄出僅得二卷已多與世傳

古今注及中華古今注相同者十之五六蓋彼二

書勦襲此書也使此書全帙尚存恐彼二書皆從

此書出矣陳氏取李 浩 刊誤李 匡又 資暇集 光

庭兼明書及是書並列而斷之曰此數書者皆考

究書傳訂正名物辨證訛謬有益見聞云李兩邨

得 文瀾閣傳鈔本刊入函海并爲之序多襲提

要以成篇殊不足取又有小序尤不足存藝海珠

塵亦收入之

資暇集三卷 墨海金壺本

唐李匡文撰 匡文字濟翁鄭惠王元懿五世孫宰相夷簡子昭宗時官宗正少卿

匡文字 四庫全書著錄新唐志 家小說 崇文目 家小說

讀書志書錄解題通志通攷宋志 俱見小說類

之崇文目集作錄陳氏馬氏及宋志俱作集餘皆

無集字馬氏又于小說類重出此種無集字蓋從

晁氏載入也諸家俱作匡文惟袁本讀書志作匡

父衡本及馬氏所重出者俱作匡義此則文與父

乃字形相涉而譌又因草書義字作父而譌爲義

也攷濟翁之名匡文見唐書宗室世系表及藝文

志史部編年類譜牒類與子部小說家類凡四見

皆作匡文又陸放翁渭南文集跋此書亦作匡文

王勉夫野客叢書引此書則作正文蓋避匡爲正

也自晁氏始訛作匡父 此據袁本又訛作匡義此據馬氏

從此刊是書者皆作匡父矣書曰三人占則從二

人之言今濟翁名匡文不名匡父證據如此之多

吾從其多者爲定論焉晁氏載濟翁自序稱世俗

之談類多訛誤雖有見聞默不敢證故著自書上

篇正誤中篇譚元下篇本物以資休暇云然書中

乃不標此目而所說凡九十條分隸各卷則一一

與此目相應其書考證古語舊事以及名物皆援

據典核而開失之疏舛大約與李氏刊誤蘇氏演

義諸書相近濟翁雅材博瞻著述頗勤自唐志所

載數種外自漢至唐年紀天潢源派譜唐偕日譜

鄭記五十四

三